

عود الطيب

أشعار بالعامية المصرية

محمد حسين زُغلة

عود الطيب للشاعر محمد حسين زغلة



إصدارات دار الحسيني للطباعة والنشر والتوزيع

اسم الكتاب: عود الطيب

اسم المؤلف: محمد حسين زغلة

رقم الايداع: 14968/ 2019م

ترقيم دولي: 5-43-6663-977-978

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته
في نطاق استعادة المعلومات أو نقله أي شكل من الأشكال
المعروفة حالياً أو التي ترد مستقبلاً دون إذن خطي مسبق
المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت:

بالتعاون مع دار الرضا للطباعة والنشر

إهداء

لقد احترت وأخذت وقتاً كثيراً أفكر ماذا أكتب
في خانة الإهداء ، وأخيراً هداني ربي فقررت
أن أهدي هذا الديوان إليّ أبي وأمي رحمة الله
عليهما وإلى زوجتي الحبيبة أم ياسر

محمد حسين زغلة

تقديم

"عود الطيب" هو الديوان الشعري الثاني الذي يصدره الشاعر/ محمد حسين زُغلة ، من مدينة الخانكة بمحافظة القليوبية ، أما ديوانه الأول فقد صدر منذ أربع سنوات وكان بعنوان " يا سمرة " وراجعته وكتب مقدمته الشاعر الكبير / علي رضوان ويوجد له أيضا ديوان جديد تحت الطبع بعنوان " بستان النيل " ، وأما عن الديوان الذي بين أيدينا الآن " عود الطيب " فقد جمع الشاعر فيه شتى أغراض الشعر ولكن غلب عليه الوطني والرومانسي وقد أجاد الشاعر في تناول هذين الصنفين الأدبيين فنأدى مصر في أوقات كثيرة بمحبوبته ومعشوقته :

وانا وياكى

باعيش الصحبة

إنتى يا أجمل حب ف عمري

إنتى أكبر وأجمل نعمة

مصر يا وطن الكل يا أمي

كما أنه عبر عن تجاربه العاطفية بتنوع جيد وتحدث عن حالات اللقاء والسعادة والفراق والهجر :

إحساسي بحبك بيطمني

ويأكد لي

عود الطيب للشاعر محمد حسين زغلة
إنك أقرب منى لنفسى

إنك أقرب منى لروحي

وبخفة ورشاقة في التعبير :

أنا ياما صبرت كثير
وعملت لحبك غيَّة
وعلى حبك كنت بغير
وانت مش حاسس بيّا

وبين العاطفة الوطنية والرومانسية تأتي قصائد هذا الديوان وأتمنى
أن يكون الديوان القادم خطوة أكثر تقدماً في عالم الإبداع الشعري
وكل الأمنيات للشاعر/ محمد حسين زغلة بالتوفيق ودوام الرقي .

الشاعر/ العزب فتحي

عود الطيب للشاعر محمد حسين زغلة


عود الطيب



إحساسي بحبك بيطمني
ويؤكد لي
إنك أقرب مني لنفسي
إنك أقرب مني لروحي
وانك فرحة عمري الماضي
وفرحة الحاضر
وانك عود الطيب الطيب
اللي تملي بيشفي جراحي

عود الطيب للشاعر محمد حسين زغلة

ماتندميش



ماتندميش

وما تخافيش

يا حب عمري ماتخافيش

على اللي راح
وعلى الجراح
وعلى الآلام
كل ده راح بلاش من عمرنا
الجاي أحلى
بدر الزمان بيضمنا
معاه هنلقى فرحنا
ومايهمكيش
إحكي لي

إحكي لي

عن حياتك

عن كلامك

عن سكاتك

عن حلم باقي ف ذكرياتك

عاش معاك طول السنين

عاش معاك رحلة حنين

وعمر فرحك يوم مافاتك

إحكي لي حبه

.....

عود الطيب للشاعر محمد حسين زغلة

ورجعتي



ورجعتي ثاني يا حبيبتي
تلبسي توب السواد
ورجعتي ثاني يا حبيبتي
تدوّري فين الولاد
وتلبسي التوب الحزين
كنتي فين من سنين

لما كنت انده عليكي
لما كنت اتمنى اشوفك
ولما كنت أخاف لخوفك
م العذارى وم الحيارى
ومن شر ساكن ف العباد
كنتي فين
ورجعتي تاني يا حبيبتي
تدوّري وتفكّري
راحوا فين مني الولاد
راحوا أبعد من خيالك
حلم أبعد من أمالك
كرهوا فيكي البعد عنهم
مالّوا من خيبة أملهم
وانتي غايبة عن أمالهم

راجعة تاني تدوري
فكري لو هتلاقيهم
جوه منك وتحاكيهم
هتلاقيهم نبض روحك
هما دُول فرحك ونوحك
فرحتك بلسم جروحك
شدة توب الحق ليكي

نفسهم ياخدوا بأيديكي
تبقى ليهم يبقوا ليكي
عمرهم مايغيبوا تاني

.....

أنا وطنك



أنا وطنك وأنا اللمة
وانا اللي بإسمك إتسمى

مَا انا نسرك
جناحي عشق في سماكي
وانا اللي بإسمي
سمّاكي
وفي دنيّتنا
مخلوق لك
يا نبض القلب
كل العمر
محسوب لك
أنا إبنك
وأنا أهلك
وفرحي
لميت سنة جاية
صوتك فيّا
النغم بالناي

واو عاكي
ف يوم قُولاك
يكون نسائي
تداري عني وتخبي
ما هو قلبك
هوا روعي وببداوي
بدونك عمري
ما يساوي
عينك شمسي
وجوه فلكها
بتدور مني
شيلاني
وموج بحرك
فوقه شعاع
بضيئك نوره ف العالي

ومهما تداري
عني البوح
منيش عنك
راح أتداري
منا فيكي بحس
الروح
ومن غير كلمة
متقالة
يا صبر سنيني
وعشق العمر
مواويل صبر
ولا كفاية
و كفاية همس شفايفك
غنواية

ما انتي ساكنة
دار القلب
لو جدرانه بكاية
ألقى الفرح مواعدنى
يا صالبة الظهر
ب هوايا
بقيت زيّك
يا روح بتشف والبصة
ف عينها تشف
شفّاية

...

.....

نسمة الروح



نسمة الروح
حضاناني
وسكناني وحاضنها
بعطر هواها وخداني
مانا دينها
وشراني
بيني وبينها
طريق سيرها
يونسني وجودي
بوصالها
وتوصلني
بدعوتها

في أدانها
ومقامها في قلبي
قبلتها
وتحيّتها
في ترتيلها
بتستنائي
في مواعيدها
بتراضيّني
ومرضيّة
من شمس الصباح
وعصاري
وليالي وردية

خلتني
عاشق تاني
مخلوق منعم

في الجنة
ماهى الحوا
اسمها بهية

.....

م البداية



والحب فيّا نقطة

م البداية

بحبك

والحب وحده

عندي مُش كفاية

نفسي أهديك قلبي

مانتي روعي

وعمري عايشه للنهاية

أنا وانت قلبيين

وبقينا أسطورة

وقصتنا لاتنين

بأسامينا محفورة

وف حكاوي شوقنا

أحاسيسنا متعطرة

أحلامنا صغيرة

في زمان الحکم

أقوالنا مأثورة
حكاوى العشاق منا
يتحالفوا بغرامنا
السهر يجيب سيرتنا
كان شاهد أيامنا
كل الأسامي ليها معنى
ومعانيها من بالنا
أصل العشق دائماً روح
سكنتنا
بتتهنى

عود الطيب للشاعر محمد حسين زغلة

جوانا كثير



جوانا كثير خايف يتكلم
جوانا كثير حالف ما يسلم
جوانا كلام رافض ما يقول
وان ينطق يوم يتحول غول
مين المسئول عن غربتنا
وضياع أحلامنا
ف رحلتنا

مين اللي مصيره بس حلول؟
مين المسئول بكلام معقول؟
فين المسئول عن حكايتنا؟
يفهمنا ويداوى وجعتنا
ويشوف الحل يحل يقول
فين المسئول فين المسئول؟

جوانا كثير حالف ينطق
جوانا كثير خايف يغرق
جوانا كلام عاصي ما ينام
لو يوم تاب الكل ينام
لو يوم سلمنا ازاي هنعيش
غربان العيشة من غير ريش
الحلم خلاص ما بقى له آوان
وفين الإخلاص في زمن رحال
جوانا كثير
فين الإنسان ؟

.....

قول وابدع

قول وابدع ثاني يا خال
وازرع فينا ثاني أمال
واكتب شعر وقول موال
نصبر بيهم ع الأهوال
قول وابدع ثاني يا خال
مصر جميلة وعال العال
فيها عزيمة وفيها رجال
عازمة تحقق كل منال
وتبنى المجد للأجيال
قول وابدع ثاني يا خال
مصر بلدنا جميلة جمال

فيها بحور حدودها رمال
أرض نخيل وشائلة جبال
فيها الكاب وفيها عقل
قول وابدع ثاني يا خال
أوصف فيها كل مجال
هو خالقها زى ما قال
دائماً صادقة في الأقوال
ويّا الحق مهما اتقال
قول وابدع ثاني يا خال

.....

عود الطيب للشاعر محمد حسين زغلة

إصحى يا ضمير العالم



إصحى يا ضمير العالم إصحى
قوم اتحرك يلا واسعى
إيّاك تنحني قدام العصابة
وتضيّع ناس ملهّاش إلا انت
إصحى يا ضمير العالم إصحى
انت النايّم واللا الصّاحي
واللا الصّاحي عامل نايّم
ده الناس ف قهر
والظلم أهو باين
فتح يلا عنين الشوف
من جوانا شيل الخوف

إصحى يا ضمير العالم إصحى
ياما الناس بتنادى عليك
وبتتعدّب قدام عينيك
اللي بيقتل باسم الدين
وهما خونة ومتأمرين
إصحى يا ضمير العالم إصحى
ليه الطفل يموت م الجوع؟
صوت الضعف مش مسموع
ومن غير دمع الناس بتبكي
مقهورة دايماً ونفسها تشكي
إصحى يا ضمير العالم إصحى

.....

من النهاردة



أنا ياما صبرت كثير
وعملت لحبك غيّة
وعلى حبك كنت بغير
وانت مش حاسس بيّا
أتاريك متعود بُعدى
وناسينى مع النسيان
مع إنك إنت ف قلبى
حبيبي ومش سائل فيا
ضيّعت العمر ف حبك
وقولت انا عمري فداك
وانت اللي قساوة قلبك

باعت ياما الحنيّة
مليت أكتّم وأدري
وأدوس على جرح قلبي
رخصت كل غالي
بعد اللي عملتوا فيّا

.....

آخر عهدي

هو ده آخر عهدي بيك ؟

تجرح بإيدك شعوري

وانا اللي ياما مستنيك

تنور فرحى يوم بحضورك

هو ده آخر عهدي بيك ؟

ياما سهرت كثير اتمنى
واحلم ياما بيبك واستنى
ترجع تاخذ قلبي ف حضنك
وتزوق فرحى بوصولك
هو ده آخر عهدي بيبك ؟

عمري ما كنت ف يوم اتصور
إنك يوم عنى هتتحول
لكن لما شوفت عيونك
كرهت وجودي ف حزن قصورك
هو ده آخر عهدي بيك ؟

إنك تجرح قلب حبيبك
ليه أيا منا الحلوة اتخلّت
وكرهت وملّت حتى حضورك
هو ده آخر عهدي بيك

كنت اتمنى يوم ترجعلي
تفرح قلبي وتمسح دمعي
تلمس فيا حنيني إليك
لكن بيّا خانك غرورك
هو ده آخر عهدي بيك

.....

عود الطيب للشاعر محمد حسين زغلة

إبقى قابلني



عايز تبعد عني وتجرح

قلب اطمن ياما بقربك

قلب ادالك عمر سنينه

وعاش لحبك

وعاش يزوق كل الدنيا

فى نني عنيك

جای دلوقتی و عایز تبعد

إبعد أحسن

مادام ف بعدك

فیض لحنینك

إبعد وانسی

وخلی القسوة

هی حوار الحب ما بینا

جایز تقدر

تمد خیوط الزیف من تانی

جایز تلقی بديل لحنانی

وتلقى ف طیشك

حب يعوض
قلبك عنى
وعايز تبعد وتهملني
إبعد أحسن
جايز ف بعدك
تلقى الحب
اللي ماشوفتوشى أبداً مني
تلقى القسوة ويّا الشكوى
تلقى وجيعة قلبك أقوى
لما تجرب بعد حناني
لما تعيش وتموت علشاني

مش راح تلقى قلب يحبك
ولا يدي لك ربع حناني
جرّب غربة روحك عيش
عيش في بعدي وماتقوليش
إنك نادم على أيامي
إنك نادم على أحلامي
إنك نادم على إخلاصي
وابقى قابلني
لما الدمعة في نني عيونك
تفرح وتعيش
إبقى قابلني وعيش

.....

عود الطيب للشاعر محمد حسين زغلة

عاشق ومتوكل



■

آه

من إحساس بيعذبني

ويمرر طعم الأيام

آه

من أحزان بتقيدني

وتغرقني في بحر الأوهام

آه

وان جات الفرحة تفرحني

أو مرة الضحكة تضحكني

دموعي تنزل تغلبنى

وتضيّع نور الأحلام

آه

من إحساس بيسكني
ويزوق الكذب ويخنوقني
وانا عاشق حلم ومتوكل
ومصيري نور الأيام

آه

خطاويّا تمد أخطيها
ولا ارجع تانى أعيد فيها
أنا حالف لازم أوصلها
واوصل بيها لأحلى غرام
وأوصل بيها حلم الأيام

.....

ورقة من الخيال



فارد شراع النور
ومادد خطوتي
عاشق إنى أكون
بداية لرحلتي
باصص لبكرة بأمل
يجدد بسمتي

م اللي باعني وخانني
وزود دمعتي
واحضن سنيني الغوالى
بالحب وابتدى
هفتح ستاير أمانى
تتوه دنيتي
هاعدى لو ألف سور
واتجرّد م الغرور
لو بس تو عدي
نفسى تكونى الحبيبة
وتعيدى فرحتي

أنا عيشت ياما يآسي

وطريقي وسكتي

لو بس تو عدي

قولي وشوف العهود

يا دنيا كل حاجة

فيكي ليها الحدود

مستكثرة فرحي

ومزودة جرحي

ليه بس ليه تنسي

إن انا منك

جندك وحراسك

عائش بإحساسك
حاضن غناويكي
والريح بيعصرني
حالف ليكسرني
ويتوه الآمال
لكني انا الفارس
حتى ولو فكرة
على ورقة من الخيال

عود الطيب للشاعر محمد حسين زغلة

فكرتيني



فكرتيني
بعد ماخونتي عمر سنيني
وضيعتها
وكانت قسوة قلبك ليّا
همس حنيني

فكرتيني
باللي كرهته
واللي نسيته
واللي ماتمنيته مرة
أشوفه بعيني
فكرتيتي
باللي كتمته سنين جوايا
ضحكة قلبي
وفرحة عمري
اللي ماعشتوش غير وياكي
.....

أنا وانت

أنا وانت

من يومنا يا حبيبي

أنا وانت كدابين

لا عرفنا طعم الهوى

ولا دبنا مع الدايبين

سنين مرت علينا

تعبتنا ويا الهوى

لا عرفنا يوم طريقنا

ولا احنا مرتاحين

من يومها يا حبيبي

أنا وانت ابتدينا
ورسمنا صورة هوانا
وياريتنا فرحانين

دار بينا زماننا
ولفت بينا الليالي
الحب روحنا وآمالنا
ورجعنا مجروحين
أنا وانت يا حبيبي
أنا وانت كدابين

.....

درجات السلم

درجات السلم وخدانا
ونازلة بينا لتحت
لا وصلنا يوم لفرحنا
ولا من طلوعها ارتحت
عاش على أمل واحد
انى فى يوم أكون
واوصل بر الأمان
واوصل لقلب الحنون
درجات السلم وخدانا
وتملى تلف بيّا
والدنيا تملى ظلماني
وتبكي الفرحة ف عنيا

.....

إحساس

جوايا إحساس
بقالي سنين معذبني
إحساس محبوس
ليل ويّا نهار بيخنقني
مش قادر أخلص يوم منه
ولا قادر أهرب من سجنه
مرة يعكر صفو حياتي
ونوبة في همي يعيشني
وساعات يسحبني من روعي
وساعات يشتت نور فكري
جوايا إحساس
بقالي سنين معذبني

عود الطيب للشاعر محمد حسين زغلة
مرات يشتت أفكاري
ولياي ينبش أسراري
ويفرّق بيني وبين خلي
ويحزن لو طفيت يوم ناري
إحساس القهر اللي مشيب
رضيع اليوم واصبح شايب
علشان ف مره ياما دّوب
وخلي الجد أصبح عايب
ياما نفسي يكون معايا مرة
ويجي على الدنيا المّرة
ويكون معايا يفوقني
ويصالح قلبي على المرة
إحساسى تملّى محسنى
على القهر تملّي مونسى
كان نفسي يكون ليا الضحكة
وبدموع الفرحة يهمسلي

.....

مصر

مصر يا وطن الكل
يا أمي
يا نبع النهر الأصيل
إنتى الوطن وانتى الأمل
وغيرك أنا ما أقبل بديل
مصر يا وطن الكل
يا أمي
روحي فداكي
عمر فداكي
وانا وياكى
باعيش الصحبة

إنّتى يا أجمل حب ف عمري
إنّتى أكبر وأجمل نعمة
مصر يا وطن الكل
يا أمي
بين أحضان الحب باعيش
وانا من غيرك إزاي راح اعيش
ماانتى يا أمي أم الدنيا
وأجمل جنة وغيرها مفيش
مصر يا وطن الكل
يا أمي

.....

بيني وبينك

كذب كلامك مش هياثر
ولا هيغير أبداً فيّا
أصل الدنيا بقربك عتمة
وقاسية وضلمة
وعاشقة الدمع ييات في عينيا
أصل غرورك فاق عن حده
وانا مقدرش أكون يوم ضده
فاحسن أبعد
وانسى غرامك
وانسى ايامك
وانسى يوم جمع بيني وبينك

.....

عمر الحياة

إلحق الباقي وحاول تلاقي
عمر الحياة

قبل الخيّة ما تملكك

قبل الدنيا ما تكسرك

وتخسّر عمر الحياة
وتلاقي نفسك في بحر همك

غرقان ومش لاقى النجاة

وانت اللي كنت بحار

في بحر الأمل مجداف

مالك دلوقتي ليه بتخاف ؟

وبتصرخ من الغرق
مانت اللي كنت زهر السنين
على أرض طارحة بالحنين
وكنت فاكراً إن الغرور
هيعدى بيبك كل الجسور
وانت اللي عايش بين جحورك
حالم تشوف ف يوم النور
إلحق الباقي وحاول تلاقي
عمر الحياة

.....

صدقيني

غيرك مفيش سِكن رُوحِي
سكن قلبي وهوا جمُوحِي
ولا غيرك سِكن عيني
فيها تحكي وتبُوحِي
إبعدي عني واغضبي
بس لازم تعرفي
إن ماليش بعدك حبيب
وانتي اللي مالكة كل رُوحِي
من غير ما فكر صدقي
حبّيتك انتي لو تعرفي
دوّبت فيكي كل السنين

وصالحت بيكي جرحي وجروحي

صدقيني انا عشت ليكي

فرح عمري وفرح بيكي

طمني قلبي ف هواكي

واحكي بيه ف الدنيا بوحي

صدقيني

.....

بلاش يا بكرة
بلاش يا بكرة
تاخذني فكرة
أنسى معاها روح الحنين

.....

هو اللي باقي
ف عنيا ذكرى
وهو بكرة فرح السنين

.....

واياك تاخذني
وتصحي فيّا
دمعة عينيا وقلبي الحزين

.....

سيبنى فى حالي
ده العمر غالي
وحبه ليّا نبع الحنين
بلاش يا بكرة.

أنا آسف

أنا آسف

أنا اللي عملت كده ف روجي

ماكنتش اعرف انك كده

ولا عمري شوفت زيك كده

أتارينى عايش زمن تاني

زمن أحسبه هو زمني

فى ناس على الأدب اتربت

زى مابويا ما رباني
على الأدب والجدعنة
لكن ف زماننا
هى الأصل هى الأصول
مادام سكنا فى القصور
يبقى على الدنيا السلام
ابكى يا دنيا على الإخلاص
ما ضاع خلاص زمن الإحساس
وادينا شايفين ان الطيبة
تبقى عيب ف زمن الإفلاس
وانا آسف

.....

يا شائلة همي

.....

لو عدا يوم مكلتكيش
ألاقي روحك محاوطاني
مخصماني
مع انك يا ست الكل
انتي الوحيدة اللي عرفاني
قبل الزمان بزمان
قبل السنين بسنين
ومكتوبلي عليك أسأل وانا ديلك
واترك روحي واجي لك

عشان انتى اللي بقيالي
سنين فرحي ورس مالي
حياة عمري وشيفالي
وشيفاني حنين روحك
حياة عمرك وآخر صبرك
وحرمانك
أبيع الدنيا علشانك
واقولك .. انا جنبك
أنا عشقك وموالك
أنا حبك وترحالك
أنا عمري علشانك
أبيع الدنيا من شانك
واغني لك

حاول تنسى

إمشي ..

إجري ..

إبعد ..

إهرب ..

حاول تنسى كل ماضيك

حاول تلقى حضن يديك

اللي يكون ليك الوطن

بيت وسكن

مش هتلقى زى حضني

ترتاح فيه

مهما الدنيا تقسى عليك

أو تقسيك

ومهما تكون بين إيديك

برضه شويّه

لكن بلمسة من إيديّا

وبنظرة حب من عينيّا

هطير من غير جناح

تنسى ماضي

مليان جراح

وتعيش متهنّى

والبال مرتاح

.....

ليه خليتني

ليه خليتني

أنسى الدنيا ؟

ليه خليتني

أحلم وأتمنى ؟

ليه خليتني

أعيش ف الجنة ؟

وانت أتاريك

بتبيع ايامي

وطريق أحلامي

وانت طريقك

كله هلاك

والناس شايفاك

طيب وملاك

وكل ما فيك

ألا عيب وخداع

بتقول بلسانك

عكس افعالك

ومداري جوّاك

حاجات وحاجات

وتملي ساعات

بلاقي كلامك

شبكة وصياد

عايز تقنعني

إنك جواد

وانت بايعني

مش معقول

أصدق تانى

كلام معسول

إوعى تفكر

انك تقدر

تخدع فيه

طول العمر

وانى هفضل

فيك مخدوع

أصل انا فاهمك

وعارف إنك

من غير داعي

هتبيع أيامي

وتقولي وداع

ساعتها أوام

هلمم ف جراحي

واداويها بروحي

وحاسب نفسي

على طيبة قلبي

وليه استحملتك

وطاوعت كدبك

ونسيت الدنيا!!!

.....

فرق كبير

فرق كبير

بين النهاردة وبين امبارح

لما عشقتك

وعشقت رمشك السارح

لما غرامك داعب قلبي

ولقيت روعي

إتردّت فيّا

لما لقيت نفسي بصالح
بيك الغربة ف كل زماني
بعد الحزن ما كحل عيني
ودوقت المر
في كاس أحزني
ظهرت بحبك ليّا
كأنك أحلى ملاك
كأن الفرح اللي في الدنيا
ليّا معاك
مانتي لقلبي طوق نجاة
وبالنسبالي روح وحياة

وآما صورتك تيجي فى عيني

بشوف الدنيا

أجمل فرحة تضم هواك

ألاقيها تنور أبيض واخضر

والاقي روعي ع الهم بقدر

بين إيديكي

بين إيديكي

التقيت النبض ساكن

بين عيون القلب غنوة

شوفت فيكي كل حاجة

تبقى بيكي الدنيا حلوة

تبقى بيكي الضلمة نور

انتى شمس تملى طالعة

حتى ولو فيه ألف سور

.....

قالوا علينا

قالوا علينا بنبيع أو هام
وحبنا مش دا اللي كان
داحنا قلوبنا زى ما هيه
بس انتوا خنتوا دا الأمان
قالوا علينا
من فينا اللي باع التانى

من فينا اللي كان غدار

كان الأمل طريق للنور

وخطاويه شمس النهار

قالوا علينا

صبرنا أيام وليالي

لو كنا احنا البايعين

ما كانش يبقى لنا غالى

ولا كان خدنا الحنين

.....

يا حبيبتى

يا حبيبتى

لو فى آخر الدنيا اجيلك

ولف البلاد

ولو فى بحور اعديلك

وأحضن ضلك

ونور ضيک وقناديلك

وبلهفة شوق
ألمس إيديك واحكيك
ولما الفرحة
تبان في عينيّا
أرقص وكمان أغنيك
واوهب ليك سعادتي
ومن كل قلبي أدعيك

.....

عود الطيب للشاعر محمد حسين زغلة

مع السلامة يا حب



مع السلامة يا حب

مع السلامة

يلّي جرحت القلب

وعلمته الملامة

كنت القمر كنت السهر

كنت الحنين

كنت ضحكة... قلب عاشق

فرح السنين

عود الطيب للشاعر محمد حسين زغلة

معر فشي إيه غيّر ك

خلاك بتتسى دنيّتي

وخلّى عيوني

تعشق ف بعدك الآنين

صعب أعيش لك تانى عمري

صعب أعود من تانى ليك

بعد عمري ما ضاع ياعمري

قلبي خلاص مابقاش شاريك

محمد حسين زغلة

Tel. 01024350757

بريد الكتروني : mohamed_zoghla@yahoo.com

فهرس

الموضوع	رقم الصفحة
الإهداء.....	3
تقديم	4
1- عود الطيب	6
2- ماتندميش	8
3- إحكلى	10
4- ورجعتي	11
5- أنا وطنك	15
6- نسمة روح	20
7- م البداية	24
8- جؤانا كتير	27
9- قول وابدع	31
10- إصحى يا ضمير العالم	33
11- من النهاردة	36
12- آخر عهدى	39

- 13- ابقى قابطني 43
- 14 عاشق ومتوكل 48
- 15- ورقة من الخيال 51
- 16- فكّرتيني 56
- 17- أنا وانت 59
- 18- درجات السلم 61
- 19- إحساس 62
- 20- مصر 64
- 21- بيني وبينك 66
- 22- عمر الحياة 67
- 23- صدقيني 69
- 24- بلاش يا بكرة 71
- 25- أنا آسف 72
- 26- يا شايلة همي 74
- 27- حاول تنسى 76

28- ليه خلتتي 78

29- فرق كبير 82

30- بين إيديكى 85

31- قالوا علينا 86

32- يا حبيبتي 88

33- مع السلامة يا حب 90

عود الطيب للشاعر محمد حسين زغلة



مع تحيات

دار الحسيني للطباعة والنشر والتوزيع

رئيس مجلس الادارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدير

مختار عبد القادر الحسيني

الهيئة الاستشارية للدار

الدكتور حسام عقل الدكتور على جاد الحق

الدكتور لطفي سيد صالح الدكتور بسيم عبد العظيم

الشاعر عادل عبدالموجود